



Inuit innarluutillit pisinnaatitaaffii pillugit isumaqatigiissummut 13. december 2006-imeersumut Kalaallit Nunaata nammineq atuutilersillugu tapiliussamut ilanngunnissaa pillugu Inatsisartut aalajangiiffisassaattut siunnersuut
(Peqqissutsimut Inunnnullu Innarluutilinnut Naalakkersuisoq)
(Siullermeerneqarnera)

Siullermik Demokraatit sinnerlugit Peqqissutsimut Inunnnullu Innarluutilinnut Naalakkersuisoq nersualaarussuppara piffissami taama sivikitsigisumi taama annertutigisumik ukkatarinninnermik takutitsisinnaammat. Tunniusimaneq piumassuseqqortunerlu, takusimasarput, meeqqanut, inuusuttunut inersimasunullu innarluuteqartunut malunnaatilimmik allannguerejussuassaaq. Aammattaarlu ilaqutaasunut allannguerejussuassalluni, ullut tamaasa ulluinnarni suliaasanut misigissutsikkullu unammilligassaqartuutunut. Taamaattumik Peqqissutsimut Inunnnullu Innarluutilinnut Naalakkersuisoq qujanaq.

Ilanngullugu Tilioq-p suliarujussuanut aamma qujarusuppunga, inuit innarluuteqartut taakkulu qanigisaat sinnerlugit suliarujussuannut. Suliaq tamanna pingaarutilerujussuuvog.

Demokraatit siunnersuut nangaassuteqanngilluinnarlutik taperseerpaat. Nammineq atuutilersillugu tapiliussap akuersaarneratigut pisinnaatitaaffiit annertusarneqassapput inuit ataasiakkaat eqimattallu periarfissillugit Naalagaaffiit peqatigiit Innarluutilinnut ataatsimiititaliaannut naammagittaalliorsinnaanermut, inuiaqatigiinni periarfissat tamarmik misiligarneqareernerisigut. Tassungalu ilutigalugu pingaartuuvog erseqqissassallugu, ataatsimiititaliap aalajangerneri missingersuutaannaammata inatsisitigullu pituttugaanatik. Taamaaliornikkut innuttaasut eqqartuussinikkut ingerlatsisarnerput kalluanngikkaluarlugu immikkut pisinnaatitaaffeqalissammata.

Siunnersuut suliamut nangissutaavog 2012-imi isumaqatigiissutip akuerinerata kinguneranik Naalakkersuisullu isumaqatigiissutip 2024-2034-imut atuuttussamut iliuusissatut pilersaarusiaanut naleqquttuulluni. Taassuma takutippaa, uagut inuiaqatigiittut pisinnaatitaaffitsinnik oqaluinnanngitsugut, timitalersinnaagigulli. Nunanit allanit misilittakkat takutippaat, aqqqissuussap suliarpassuarnik kinguneqarunnanngitsog, aammalu aningaasartuutigineqarnissaata killeqarujussuarnissaa.

Demokraatinut pingaarnerpaavog inuit pineqarmata aammalu ulluinnarni inuunerannut pitsaasumik sinaakkusiinissaq. Tassani pineqarput atuariartorsinnaanissaq, suliarforsinnaanissaq, peqqissutsimut neqeroorutitut periarfissaqarneq, angallanneqarneq paasissutissiinerlu, aammalu ataatsimoornermi akuusutut namminerisamik inuunissamut pisinnaatitaaffeqarnissaq. Neriuppugut, akuerineqarneratigut aamma suliniuteqarnernut annertusaataassasog, inuiaqatigiinni akuunermit tapersersorneqarnerunermik aammalu naammagittaalliorsinnaatitaanermik ajornannginnerusumik tamanillu atorneqarsinnaasumik



pilersitsisoqassasoq.

Demokraatinut pingaartuuvoq erseqqissassallugu, kikkut tamarmik, peqataarusuttut, peqataatinneqarnissaat. Taamaattumik naalleraatit peertariaqarpagut, inuit innarluuteqarnertik pissutisalugu immikkoortitaanerat unitsillugu. Innarluuteqarneq akornutaalertarpoq aatsaat inuiaqatigiit naalleraaleraangata, uagullu akisussaaffigaarput sinaakkutik taakku allanngortinnissaat.

Isumaqatigiissutip nammineq atuutilersitap akuerineratigut nunatsinniit ersarissumik anguniagarput takutissavarput: Innuttaasut illersorpagut, pisinnaatitaaffiillu sukataarutigalugit, nunallu tamalaani suleriutsit ilikkagaqarfigerusullugit pitsaanagerusumik suliumalluta. Isumatusaartumik pisinnaatitaaffinnik illersuinertut inuppalaartutullu isigineqassaaq.

Taamatut oqaaseqarlunga nalunaarutigissavara, Demokraatit siunnersuut una akuereqqullugu innersuummassuk aammalu Ilaqutariinnermut Peqqissutsimullu ataatsimiititaliami aappasaaniinnginnerani suliareqqinneqarnissaa innersuussutigalugu.